



N°464
Entrée le 13.03.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 13.03.2024

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 13/03/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesche fir Mobilitéit an Ëffentlech Aarbechten weiderzeleeden.

D'Thema vun der Elektromobilitéit ass grad méi wéi jee en wichtegt Thema an der Aktualitéit. Dozou goufen et och scho verschidde parlamentaresch Froen an der Vergaangenheet, wéi zum Beispill meng parlamentaresch Froen n°347, 1915, 3746 oder 7161. Hei huet d'Regierung Informatiounen iwwert de Fierpark beim Staat vun den Autoen vun der Regierung geléiwert.

An deem Zesammenhang wéilt ech der Ministesche dës Froen stellen:

1. Beim Staat:

1. Wéi héich waren d'Ausgabe fir de Fierpark vun den eenzele Ministèren am Joer 2023?
2. Wéi vill Elektroautoen a wéi vill Autoen mat Verbrennungsmotor goufen 2023 fir de Fierpark vum Ëffentlechen Déngscht kaf?
3. Wéi vill Autoen mat engem Verbrennungsmotor, wéi vill Elektroautoen a wéi vill Autoen mat Hybriduntrieb befannen sech, opgeschlüsselt no Ministère, aktuell am Fierpark vum Staat? Wéi gesäit de relativen Undeel vun all Zort Untrieb am Verglach zum Total aus?
4. Opgelëscht no Ministère, wéi vill Autoen sinn 2023 verschrott ginn?

2. Zum Fierpark vun der Regierung:

1. Wéi vill Autoen befannen sech aktuell am Fierpark vun der Regierung?
2. Wéi vill Liter/100km verbraucht de Fierpark (Duerchschnëtt+Median)?
3. Wéi vill PS huet de Fierpark vun der Regierung (Duerchschnëtt+Median)?
4. Wéi vill Emissiounen CO2 stéisst de Fierpark vun der Regierungsmemberen aus a wéi huet sech dës entwéckelt zënter 2022?
5. Wéi vill reng Elektroautoen befannen sech aktuell am Fierpark vun der Regierung?
6. Wéi vill Budget huet all Minister fir de Kaf vun engem neien Auto?

Mat déiwem Respekt,

GOERGEN Marc
Deputéierten



www.piraten.lu



www.piraten.lu